

淳熙嚴州圖經

圖經卷第二

歷代沿革

望建德縣本漢富春縣地

晉簡文鄭太后諱阿春孝武改曰富陽

吳孫

權黃武四年分富春置隸吳郡封子皓為建德侯晉

宋以後皆隸吳郡梁普通十年割隸東陽郡隋開皇

九年縣廢併太末豐安三縣入金華改為吳寧縣後

復為金華屬東陽郡大業十年立為鎮唐武德四年

復為縣隸嚴州

時即桐廬置嚴州

七年州廢省縣入桐廬雉

山永淳二年復置隸睦州神功元年移州治歷唐末

五代及錢氏汔

國朝皆因之正

本字犯
仁宗嫌名

元中爲緊縣元和中爲上

縣唐志如之

國史九域志皆爲望縣

縣境

道路附

東西一百三十里

南北八十里

四至八到

東至桐廬縣界五十里以安仁牌爲界自界至桐

廬三十五里

西至壽昌縣界六十里以菱塘爲界自界至壽昌

二十五里

南至婺州蘭溪縣界六十里以花塘為界自界至
蘭溪三十里

北至分水縣界六十里以胥嶺為界自界至分水
六十三里

東南到婺州浦江縣界七十五里以井阮為界自
界到浦江三十五里

西南到婺州蘭溪縣界四十里以檀嶺為界自界
到蘭溪四十五里

東北到桐廬縣界五十里以楊闡橋為界自界到

桐廬三十五里

西北到分水縣界四十五里以峽嶺爲界自界到
分水五十三里

水路

歙港水路在縣南西沂入淳安縣一百八十里東
沿入桐廬縣九十里

婺港水路在縣東南與歙港合沂入婺州一百四
十五里

社

社壇在城西北五里

鄉里

買犢鄉管里三

吉真劔里

息姦里

豐稔里

新亭鄉管里五

仁愛里

余浦里

仁豐里

惠及里

孝悌里

宣政鄉管里七

金靈里

宣風里

白鳩里

中義里

叔度里

求蘇里

常樂里

白鳩鄉管里五

甘泉里

謝浦里

萬俞里

雲思里

上浦里

建德鄉管里五

東林里

旌孝里

大川里

馬目里

沿江里

慈順鄉管里七

胥源里

麟化里

清風里

新義里

楊溪里

招賢里

均平里

龍山鄉管里三

弦歌里

下坑里

靖泰里

仁行鄉管里三

慈孝里

延化里

懷仁里

芝川鄉管里二

節婦里

隱溪里

戶口

舊經載晉太康戶三百四十七宋志戶五百七十而
不載

國朝戶口數

紹興己未戶一萬六千九百二丁二萬二千六

百五十六

今戶二萬四千八百丹一

丁三萬七千八百九十一

工解舍

縣衙在子城東

係京朝官知縣事

丞廨舍在縣衙內西偏

主簿廨舍在縣衙內西偏

尉司在善利門外

管界巡檢司在縣東三十里張村

管土軍一百人

知縣題名

建德爲縣唐永淳以前廢置不一更五代暨

本朝以至于今五百七十餘載紹興四年知縣黎詔始創壁記其錄前政名銜滿替年月起宣和止紹興續書至紹定纔四十有八人厥後因循皆不復錄新定有志亦闕焉弗書寶祐二年東嘉趙崇湊來領邑寄首取圖經閱之喟然歎曰古者建萬國爵五等碁布星羅四周于天下凡皆以爲民極今縣有宰正古子男之職於民尤親志何可闕矧建德爲新定望邑而又附郭訟牒既夥版賦益艱皆宜剔梳尤以學

道愛人爲第一義民不忍欺奚獨子賤專以德化奚
獨魯恭縣稱神明天下第一奚獨丘仲季帝嘉應明白
爲百城最奚獨樂法才古詩云世間萬事俱塵埃惟
有崇陰垂不朽盍序次姓名悉登郡志碑來者見賢
思齊亦新定道院一助云

嘉定癸酉何大參詹嘗爲
潘宰檜大書新定道院四

字俾扁之縣齋有寓公
崇道唐知府慈爲之序

葉輝

宣和三年四月初六日以從政郎
到任宣和六年十二月初六日罷

劉何

宣和七年三月初十日以通直郎
到任靖康元年八月初二日罷

林師說

建炎二年八月二十六日以宣教郎到任三年三月因收獲從慶轉
通直郎三年九月因投石環轉奉議郎當年十月二十八日改本州添差通判

姚焯

建炎四年四月初五日以通直
郎到任當年十月十三日罷

徐琮

建炎四年十月十四日以右承事郎到任紹興二年十月七日罷

楊彥

紹興二年十月二十八日以宣教郎到任紹興四年十一月十五日罷

黎詔

紹興四年十二月十六日以右朝奉郎賜緋魚袋六年正月二十八日轉朝散郎七年四月初十罷

熊適

紹興七年七月二十二日以左承議郎到任九年二月轉左朝奉郎十年七月二十一日罷

李球

紹興十年七月二十二日以右承奉郎到任十三年八月初九日任滿

鄭鞏

紹興十三年八月初九日以右承事郎到任十六年十月初十日任滿

張莘

紹興十六年十月十日以左宣教郎到任七年四月磨勘轉左奉議郎十八年二月二十七年改知紹興府會稽縣

鄧昌時

紹興十八年七月初四日以右宣教郎到任紹興十八年十二月十八日尋置罷任

洪顛

紹興十九年四月十九日以左宣教郎到任十一年九月磨勘轉奉議郎二十三年四月十七日滿

俞顏

紹興二十三年四月十七日以右通直郎到任二十六年四月十七日滿

章階

紹興二十六年四月十七日以右奉議郎到任二十七年轉右承議郎二十九年閏六月初二日任滿

周邛

紹興二十九年閏六月二日以右宣教郎到任三十一年三月轉右通直郎三十二年九月轉奉議郎當月十二日任滿

張傑

紹興三十二年九月十二日以右奉議郎到任當年十月轉右承議郎十二月初五日丁母憂

趙菱

隆興元年二月初五日以右承奉郎到任當年十二月初五日罷

馮世顯

隆興二年二月初五日以右宣教郎到任乾道二年十二月初五日轉通直郎二年十二月六日滿

毛熒

乾道二年十二月六日以右宣教郎到任四年二月十五日轉右通直郎

趙不悛

乾道五年十二月十二日以左承事郎到任六年五月十日轉左宣教郎九年二月初二日任滿

惠養民

乾道九年二月二日以右宣教郎到任當年二月二十日轉通直郎淳熙元年三月十三日賜緋魚袋二年二月十二日任滿

何儼

淳熙二年三月十二日以奉議郎到任四年三月十一日賜緋魚袋當年三月二十六日任滿

高鵬

淳熙四年三月二十六日以奉議郎到任

胡燮

淳熙五年五月十日以宣教郎到任當年十月十日轉通直郎八年六月三日任滿

孫泰輔

淳熙八年六月三日以宣教郎到任

何武仲

淳熙九年八月二十二日以宣教郎到任十一年十一月初十日轉奉議郎十二年十一月初八日

蘇林

淳熙十二年十一月八日以宣教郎到任十三年六月二十日轉通直郎十五年十一月一日賜緋魚袋當年十一月二十三日任滿

邵暹

淳熙十五年十一月二十三日以奉議郎到任四月初一日轉承議郎紹熙五年六月初一日轉朝奉郎八月初九日罷任

王可大

紹熙二年十一月二十四日以宣教郎到任五年二月磨勘轉通直郎九月覃恩轉奉議郎賜緋魚袋慶元元年二月二十三日避親離任

張宗穎

慶元元年十二月八日以朝散大夫到任三年二月二十二日通理離任

葛拱

慶元三年二月二十二日以奉議郎到任六年二月二十一日轉承議郎閏二月十九日任滿

何松通直郎

王中行

嘉泰元年四月三日以宣教郎到任二年三月十一日磨勘轉通直郎

王松宣教郎

施一鳴宣教郎

唐仁傑宣教郎

潘檜

嘉定五年四月十六日以宣教郎到任十四年二月轉通直郎八年八月二十一日滿

陳德一

嘉定八年八月二十一日以宣教郎到任十一年十月轉承議郎十月二十五日任滿

楊總

嘉定十一年十月二十六日以奉議郎到任十四年二月二十四日特差充准東總領所幹辦公事

曾樵

嘉定十四年六月十三日以通直郎到任十五年該寶賞轉奉議郎十六年十一月十四日通理替以浦

史湜

嘉定十六年十二月十四日以宣教郎到任十七年二月磨勘轉通直郎十月該覃恩轉奉議郎十一月賜緋魚袋寶慶元年十二月十七日滿

呂延年

寶慶元年十二月十七日以通直郎到任二年正月七日得旨與職事官差遣二月十四日除軍器監主簿離任

王寓

寶慶二年三月二十四日以通直郎到任當年十月磨勘轉奉議郎紹定二年四月初五日替滿

趙伯代 寶慶二年四月初五日以承事郎到任四年
正月磨勘轉宣教郎五月該慶典轉通直郎

陳巽

沈愿

陳伯鼎

孫自中

嘉熙元年八月二十三日以奉議郎到任三年四月磨勘轉承議郎當年七
月用戰功酬賞特轉朝奉大夫四年五月磨勘轉朝散大夫初四日滿替

趙希會

嘉熙四年五月初四日以奉議郎到任淳祐 月磨勘
轉承議郎二年二月磨勘轉朝奉郎當年三月初三日滿替

金應辰

淳祐三年十二月初三日以奉議郎
到任五年六月磨勘轉承議郎

黃湛

淳祐六年四月初二日以承事郎到任

滕士脩

淳祐九年八月 日承事郎到任

惠德夫

淳祐十年二月十一日以通直郎到任十二年三月旦日磨勘轉
奉議郎當年三月初八日準省劄特改差提領江淮茶鹽所主管文字

顧岳

淳祐十二年六月初二日以通直郎大理評事
到任

趙崇溥

寶祐二年三月十五日以奉議郎到任寶祐三年十月磨勘
承議郎寶祐五年正月磨勘轉朝奉郎當年 月日滿替

杜林

宣教師寶祐五年三月二十八日
到任當年九月二十八日

官驛亭附
館馬

朱池驛在縣西三十里當衢州大路

胥村驛在縣北二十五里當臨安府大路

三河驛在縣南五十里當婺州大路

萬松亭在州北二里

土貢

絹三匹

布一匹

稅賦茶租免役和預買附

夏稅

絹舊一萬六百七十九匹三丈三尺七寸今

四千六百六十疋有畸

紬舊一千八百八匹一尺五寸今一千三百七

十六疋有畸

綿舊九百三十二屯二兩七錢今二千六百五

十兩

秋稅

苗米舊三千一百七十九石五斗四勝九合八

勺今三千二百一十七石八斗有畸

茶租錢舊額三千二百七十二貫文

今收二千貫文

免役錢舊額一萬四千三百九十九貫六百一十

八文

今收一萬一千五百三十一貫三百六十一文

和預買

絹舊一萬二千一百七匹今一萬一千六百

七匹

紬舊四千五百匹今三千二百二十六匹

絲五千兩無增減

生紬線八百兩無增減

課利

茶

遞年批發四十四萬七千四百四十斤計引錢七
萬五千五十二貫文紹興己未批發四十
六萬四千二百四十斤計引錢七萬七千
六百七十六貫文

今批發四十四萬二千二百斤計引錢九萬
七千五百四貫文

遞年住賣一千九百四十斤計引錢三百四十
貫文紹興己未住賣二千二百斤計引錢

三百五十七貫文

今住賣一千六百斤計引錢三百五十二貫文

鹽

遼年一百六十七萬四千斤計引錢七萬二百二十二貫文紹興己未賣二百六十七萬八千二百斤計引錢七萬四百二十二貫文今賣一百四十七萬七千八百斤計引錢一十萬三千四百四十六貫文

香

遼年一百一十一兩計引錢三百一貫五百文紹

興已未賣一百一十兩四錢計引錢四百九十四貫三百六十文

今賣一百八十六兩六錢計引錢二百四貫一百四十五文

礬

遞年九百斤計引錢一百三十二貫文紹興已未賣一千斤計引錢一百四十四貫文

今賣一千一百三十七斤計引錢一百一十三貫七百文

酒稅

村坊舊額一十六處十處買撲六處分認元額一
界淨利錢一萬二千九百七十三貫九百
一十文

今額村坊一十一處買撲五處一界淨利錢九
千九百七十八貫七百六十四文增添五
分錢四千九百八十九貫三百八十二文
每月課利錢舊額一百八十二貫七百六十二文
今額九十貫九百文

牙契稅錢租額一千六百一十七貫紹興己未收
六千八十貫

今收九千二百七十二貫五百文

寺觀

報恩廣孝禪寺在水南五里山上慶曆中建名廣
靈寺崇寧二年

詔改爲崇寧萬壽禪寺政和元年改爲天
寧紹興七年

詔改今名

景德禪院在百順門外四里唐正
本字紀觀中

建名多福院

國朝改今名

政和中改爲神霄宮靖康初復舊

法言寺在水東門外西湖心靖康元年僧文佐造
華嚴堂州人名之湖心寺建炎四年以遂
安縣廢額榜今各寺為湖水環繞真是水
中可居之地紹興八年作飛橋跨其西榜
曰寶華洲又於寺東水際面東山作亭名
曰晨光後改為浸雲洶中有畫舫名曰漾
月齋今廢壞

觀音院在望雲門外五里唐正

本字犯
仁宗始

名觀中建

下塔院在望雲門外五里有善導和上塔建中靖
國元年知州馬玘於此祈禱有應請于

朝封廣道大師

高峯院在東津山上距城五里唐善導和尚之道
場院有靈感觀音像遇旱禱雨有應紹興
七年知州胡寅作亭其上俯瞰二港匯流
以其近嚴陵瀨名曰高風亭

保院在

五里舊名靈山寺在芝川鄉

此政和二年

九峯菴在和平門外

里寶元二年建政

和五年僧智自增廣環菴皆山山列九峯
故以名

玉泉菴在仁安山之東麓距城七里不知建造之
始有陳學古隸書玉泉菴三字爲之榜學
古文惠公之子也書肖其父菴之西有泉
冬夏不竭昔人斲石爲瀑流如噴玉然故
以名之舊有屋相對名玉泉亭紹興八年
移亭跨水上即改基作任樂堂又即玉泉
亭之南近水源作亭名曲水斲石其中可
以流蕩亭相對有厓故諫議大夫江公望

名唯菴菴之上有石佛歲久其石漸長殆
所謂息石也初入山縈紆松徑有亭當路
名曰尋幽又自石磴而上有亭名曰競秀
然後至菴

龍堂院在城之北半里舊在仁安山下朱梁時移
於此

澄溪菴在仁安山麓相傳爲唐韶國師建菴處按
澄溪菴舊在城東碧溪經亂不存紹興五
年僧道照即此地作屋以居州人爲取菴
名榜之

雲居菴在城之東三里

國朝康定中立名

靈瑞院在宣政鄉桐溪距城十五里後唐時道人智通作菴於此

國朝開寶中僧道寶即遺基募緣建

集福院在宣政鄉大洋距城二十五里相傳有僧於此地拾得一石像佛形因作小寮

國朝乾德中勅爲院

下竺院在宣政鄉下竺源距城三十里相傳後唐時有僧作菴於此後漸成小院因地立名

太寧院在宣政鄉下竺源距城三十五里唐光啓

二年建

太平院在白鳩鄉三河距城五十里舊院久廢漢
乾祐二年僧曉明即故基重建

資壽院在白鳩鄉石塘距城四十五里相傳有僧
於此拾得泥佛因作菴後建爲院

悟真院在新亭鄉杜塘距城三十里唐廣明中建
興福院在新亭鄉巖山距城二十五里舊係明山
巖前寺唐會昌中廢至錢氏當

國朝乾德中重建政和五年僧靈皎出緡

錢八百萬一新之故諫議大夫江公望爲
之記

仁王院在新亭鄉翁村距城二十里後唐時建

靈石院在新亭鄉守祿村朱梁時有僧作菴於此

國朝建中靖國年知州馬玗爲立此名

福安院在龍山鄉黃鏡距城三十五里錢氏時有

僧作小寮後漸成院因立此名

極證院在龍山鄉盤常距城二十里

國朝元豐中建

崇勝院在慈順鄉唐村距城三十里舊名龍門白

佛院大中祥符八年

敕賜今額院昔有僧義澄號常坐不睡長
老

真宗嘗賜以御製詩云止觀心地法色相
本皆空禪慧明宗性超然萬法中院有大
中祥符二年賜義澄物數劄子

仁宗御飛帛書五軸

皇太妃已下施利興義澄劄子及

皇太后賜銀二百二十四兩令作水陸道
場資薦

真宗忌辰劄子今並存

資福院在慈順鄉沙坑距城五十里

依圓院在慈順鄉石樓距城五十里唐末建

竹林院在慈順鄉楊溪距城六十里

國朝皇祐元年建

壽聖普光院在慈順鄉朱池距城三十五里唐時

建名普光院

國朝賜壽聖普光院

白佛院在仁行鄉閭闡口

國朝淳化中建

法源院在芝川鄉安仁距城四十五里舊名歸善寺

國朝嘉祐二年改賜今名

鳳山院在仁行鄉莆田村距城六十里院基山勢

如鳳因以取名

道泉菴在芝川鄉上梓距城四十里

國朝開寶中建

龍門菴在芝川鄉胥口距城三十里

國朝開寶中建

粉泉菴在仁行鄉仁安嶺距城十二里

雲岫菴在建德鄉利頭距城二十里

祠廟

東嶽廟在城西唐浦距城五里

仁安靈應王廟在嘉貺門外二里據廟記神姓邵

名仁詳字安國性倨傲不拘小節隱烏龍

山嘗謁縣令令怒其無禮因笞殺之仁詳

且死語人曰吾二日內必報之至期雷電晦

冥有大白蛇長數十丈至縣庭中令驚怖

立死神空中語人曰立廟祀我吾當福汝時

唐正本字犯仁宗嫌名觀三年也舊經載梁時封

證本字犯仁宗嫌名應王後或封護境感應王

國朝熙寧八年封仁安靈應王按天聖十年章坻所

作廟碑謂錢武肅王嘗禱以濟師有應又
云年載寢遠冊書靡存護境之無傳於里
俗徒觀題榜莫究真偽疑為錢氏所封岷
以無據不敢臆斷後人乃謂天聖中封爵
非紹興二十九年加封忠顯乾道二年又加
昭惠累封至八字曰忠顯仁安靈應昭惠

鎮寧侯廟在城東五里神有弟妹三人梁正

本字犯
仁宗嫌

名明四年敕睦州土地神凡封鎮寧侯神弟

封保靜侯神妹封慶安夫人告命今存

廣信王廟在城西五里據廟記神姓柳本河東人

東晉時爲新安內史本廟在分水縣柳山梁

正

本字犯
仁宗嫌名

明四年贈尚書左僕射封廣福侯

後唐清泰三年封鴻仁廣信王告命今存

寧順廟距城隔江二里地名天子隴俗稱倪祖夫

人其神夫倪可耕神妃則陳氏生子一人倪

惇媳婦化氏先因梁武帝大同年中侯景之

亂軍士恟恟坐甲圍衛時暑炎熾諸軍渴乏

不能水無履跣足葛逢一嫗一樵寓衆兵中

携一熟水瓶令卒伍傾飲不竭復勞以草履

令均躡之逡巡鼓風無蹤諸卒驚駭梁皇聞

其事狀採訪所居廼新定郡南

舊本新安傭郡東南角

民倪氏母子有遊神攝化之術顯保國護境

之功詢已逝矣建立祠祀梁太清六年正月

甲申遣侍中馮道元持冊謚以顯應妃子封

廣利王化氏封東林郡君廟宇常遭塗瀆於

唐正

本字
犯諱

觀三年中書令馬周遷廟徙于天

子隴號曰詔山

南唐李王景保大七年中宣
城寇叛夢神驅水拔之其寇

果潰因茲効實兩遣推忠協謀功臣寧國軍
節度使光祿大夫行御史中丞黃台持節追

冊陳氏加爲顯應慈節聖妃子倪惇加封崇
福廣利王媳婦化氏封保寧夫人仍捨鍍金

銀香燼金絲鑲珠感翠寶冠各一所唐龍紀
元年刺史因夢所感迺旌其廟表于朝忠烈

太守陳晟亦嘗詣廟祭告稱妃之姪孫祈保
境域并吳越國王錢鏐行制贈爲顯應寧順

妃廟天福四年祀夫遣牙將右監
門徐唐卿曾持冊神累獲徵應周顯德六

年七月奉吳越國王旨揮立石少保兼司空

同發遣軍政事碩謨并書碑石具載其詳凡

郡內軍民祈禱其應此隨誠立響非止一端

枚舉稍繁

開元十三年東封吳兢請以歲時中分後一日行中祀之禮詔從之

國朝景德四年六月諸路亢旱降

御筆手書責令守令精加祈禱於廟即時降

雨起雲陰霈三晝夜申送轉運使保奏是歲

漕使胡公

諱

遣本司管勾文字儒林郎周寬

夫到廟祈求雨暘甚獲感應大中祥符初得

旨降付轉運使令守令常加崇奉如法修葺

廟宇整肅長吏以時致祭改封顯應正節聖

妃仍從舊稱中書門下所降勅牒綾䟽與梓

諸頒封誥牒無直廟者俱留州庫梓符三年

六月尚書禮部符以杭越二州到廟禱兩有

感奉

宣和二年方臘之亂焚毀其廟和州周格委知縣葉輝重建廟事詳於傳

勅加封顯應正節聖憲妃子加封崇福承烈

廣利王化氏加封保寧協順夫人仍降賜錢

三千貫修廟

按新定雜記舊本是神未建祠之先已有城下正臨土地廟其

神起自三國時迺五臺山突得骨汨兒妹弟三人流入吳境寓比爲神唐末兩浙觀察使

錢鏐具聞宋梁亦主正明四年二月方封神爵蓋聖妃所受梁朝爵號迺在其先也

蔣山明帝府君廟神諱子文始蔣氏梁天監中封

今廟在水南二里相傳爲唐正

本字犯仁宗嫌名

元十年立

一在靖林距城十五里又有祭龍壇在城西建昌山龍王廟側

隋司徒追封忠烈潁川陳公新廟在建德鄉集賢

村銅官山距城六十里據廟碑神名果仁

仕隋當義寧中羣雄交作司徒統衆晉陵

窺覲者畏伏旁衛江浙至唐乾符二年鎮

海軍叛卒王郢緣海爲寇節度觀察處置

使禱謁有應置廟郭南門具以事聞追封

忠烈公中和三年太守潁川公屯青溪土

團兵士鎮銅官山江次扼制衢信黥歙即

其地建新廟按果仁及其事蹟皆不見於
史傳其曰太守潁川公則陳晟也經方臘
之亂兩廟皆不存宣和四年重建郭南門
廟於建安山下既又鄉民即故基立廟

威濟廟在曾潭嶺距城二十里舊曾潭神廟因討
平方臘之亂神有潛助之功宣撫使聞于
朝宣和三年賜廟額今遇旱禱之須臾獲應
英烈王廟在胥嶺蓋伍子胥別廟舊不載祀典紹
興九年因修圖經考正本原取吳山太廟
封爵名之歲時遣官致祭焉

朱太守祠在烏隴漢會稽太守朱買臣之神也又有別廟在朱池舊亦不載祀典紹興九年因修圖經知爲會稽郡地買臣故鄉爲加增葺歲時祀之

馬目山新廟在馬目浦口瀕江距城三十里唐文宗時刺史呂述建按述記謂先是州之右有潭曰曾潭其深無至鱗物宅焉因立廟潭上而馬目顧無之每有禱則附而祝曰告于曾潭馬目之神開成己未歲旱請于神曰能雨則立廟越三日而雨乃泝江四

十里躬擇神居依山取勢以爲新廟至今
歲時祀焉水旱祈輒應

兩港龍王廟在水南先是雨漲則二水爭行溢入
城爲患元祐八年知州呂希純即二港匯
流處立廟又爲文以祭二港龍神俾如兄
弟更相遜避自是無復水患者四十年而
歲久廟廢紹興四年水患復作州人相與
重建自是安流今遷在望雲門外東山上
其廢興始末附見前卷祠廟門

山
巖洞附

建安山在城中百順門內

仁安山在城北一里高六百丈周回一百六十里
舊名烏龍山其傍當驛路有嶺亦名烏龍
嶺宣和初臣寮建言謂龍爲君象應州縣
山水地名有龍字者當避及方臘之亂復
言狂賊竊發由土地之名未正乞錫以忠
順之名鎮定一方乃 詔州縣鄉名及山與
嶺悉改今名

平壁山在城西十里千仞壁立因以得名

松巖在城東南十里有孤松奇秀特出因以得名

項山洞在龍山鄉松原距州四十五里水涌石以
出溉田甚廣冬夏不竭歲旱郡人取水城
中禱焉其應如響

馬目山在城西南二十五里山有峯如馬首狀中
有小峯如馬首之目因以得名山有神廟

已見祠
廟門

吳氏山在城西北四十里山下多吳姓人因名吳
村唐天寶中敕以名山

銅官山在縣西八十里舊經載新安記云秦時於
此置官采銅因以爲名

幽徑山在朱池西五里距縣四十里有漢朱太守墓
三雄山郡國志云上有顯庭石門關多牛馬跡在

石上

都督山郡國志云山極高峻臨江以占吉凶石崩
墜水內者死到半山而止者吉消散至水
際者免又有承金山相次以占吉凶焉

界山郡國志云山欲雨輒聞鍾鼓之聲與人擊之
無異

公山郡國志云山出水水有橘自然泛來行人梁
之恣飽食則可將去則病

自三雄山以下皆出太平寰宇記其謂郡國志
非後漢書之郡國志也舊皆不載今淳安有都
督遂安有公山未詳是否而三雄界山則莫知
所在樂史以爲皆建德境內也史多藏異書必
有所據

水溪灘津渡湖池附

新安江

一名歙江在城南來自徽州至城東二里

合婺港又東入浙江按唐六典浙江水有

三源此其一也

東陽江

一名婺港在城東南二里來自婺州與歙港合

七里灘在城東四十里山峽之中諺云有風七里

無風七十里因以名之

曾潭在州西南十七里潭上有神祠已見祠廟門

胥口江在州東二十五里地名胥村故以名水

灘

烏石灘

方門灘

大浪灘

中瀆灘

凍身灘

倉厚灘

揚溪灘

石關灘

馬目灘

海瀨灘

平壁灘

唐浦灘

王家灘

石壁灘

魚梁灘

顏庫灘

三河灘

津渡

東津渡在縣東南

水南渡在縣西南

小里渡在縣東十里

受祿渡在縣東十五里

胥口渡在縣東二十里

沈塢渡在縣南十五里

石壁渡在縣南二十里

石塘渡在縣南四十里

三河渡在縣南六十里

廟山渡在縣西五里

官裝渡在縣西十里

曾潭渡在縣西二十里

馬目渡在縣西三十里

楊溪渡在縣西三十五里

朱池渡在縣西三十里

歙村渡在縣西四十里

白沙渡在縣西六十里

銅官渡在縣西七十里

小洋渡在縣西三十五里

盩裏渡在縣南三十里

湖

在安泰門外廣袤五百四十二丈唐咸通中刺史

侯溫開置見方干集有侯郎中新置西湖

詩詩有一夕機謀萬古存之句

寶華州在其中

國朝靖康元年知州凌唐佐申乞充放生池

詎今不廢

池

一在城西桂志塘

志一作

一在百順門外

古跡

黃饒距城四十里相傳黃巢爲亂欲過郡時陳尊
宿在城中語郡人曰勿憂乃織太草屨置
之城西三十里外木杪賊至視之曰彼有
人焉遂出境後因名其地言爲黃巢所饒

蓋俗語也

地產烏桲絕佳
甲於州境內

胥村距城四十里相傳伍子胥嘗逃難抵此後以

名村有廟

已見祠
廟門

朱池距城三十里相傳朱買臣讀書處其東有朱

太守祠唐李頻文其碑石今不存而文傳
然詞頗淺近又頻集不載爲可疑文謂吳
王濞舉兵民不遑居公逃難至此挹下涯
水飲之曰水香而善其地可居於是深入

大周

大周地名

得地爲蓬華而居之後去官因

家於下涯之上築室讀書鑿池爲滌硯所
後人即其姓而名之曰朱池因其地招公
之來名其里與橋皆曰招賢此皆本傳所
無者其它皆放本傳傳謂買臣語其妻我
五十當貴今已四十餘矣而碑作四十當

貴今三十九矣當是故爲立異又云成帝
末年立祠于烏隴之後今又立祠于朱池
而不著歲月今二祠俱存

烏龍山顛之北有泉爲二池一清一濁方圓丈餘
相傳謂之聖水歲旱酌取清者祈求率有
應今鄰州禱雨亦來取之

賢令

房瑄字次律開元中坐訊獄非是貶睦州司戶復
爲縣所至上德化興善利以治最顯

人物

許法稜字道冲縣人唐代宗永泰中東帛聘不就
何起門縣人父死廬於墓唐大曆中刺史蕭定以
狀聞天子旌表門閭

碑碣

縣碑唐會昌四年八月一日立進士張秉文

隋司徒陳公新廟碑唐中和三年婺州軍事判官

前福建等州觀察巡官鄉貢進士許柳文

在本廟

舊經謂不錫年代今
視所刻年代甚明

馬目山新廟碑開成五年四月二十四日刺史呂

述文在本廟

右三碑皆載舊經今唯縣碑不存

九峯菴記贈諫議大夫江公望撰在本菴
興福院記贈諫議大夫江公望撰在本院

墳墓

漢會稽太守朱買臣墓在幽徑山

按朱異嚴州事
跡曰朱池之西

有山名幽徑世謂買臣舊葬之
山有叢棘俗號朱太守墓

烏龍廟碑宣德郎團練推官

圖經卷第二

圖經卷第三

歷代沿革

望淳安縣本歙縣東鄉新定里之地孫權既定山越分歙置爲始新縣隸新都郡而縣爲郡治晉平吳改郡曰新安而縣仍舊名歷宋齊梁陳不改隋開皇九年郡廢改縣曰新安隸婺州仁壽三年置睦州縣復隸焉仍爲州治大業初改縣曰雉山隸遂安郡又爲郡治唐武德四年郡復爲睦州文明元年復改縣曰新安神功元年州治自縣徙建德開元二十年改曰還淳永正本字犯仁宗嫌名元年改曰青溪歷唐末五代及

錢氏汜

國朝無所改易宣和三年平方臘

詔改曰淳安唐志爲上縣

國史九域志爲望縣

縣境

東西一百七十里

南北一百五十里

四至八到

東至建德縣界八十里以銅官嶺爲界自界至建

德八十六里

西至遂安縣界七十三里以楊嶺爲界自界至遂安四十五里

南至遂安縣界四十三里以雲濛山安礪嶺爲界自界至遂安四十里

北至臨安府昌化縣界一百五十九里以審嶺爲界自界至昌化七十五里

東南到壽昌縣界七十五里以遼嶺爲界自界到壽昌五十里

西南到遂安縣界二十里以桐橋爲界自界到遂安四十三里

東北到分水縣界八十六里以塔嶺爲界自界到

分水六十里

西北到徽州歙縣界九十七里以深渡爲界自界
到歙縣一百一十里

水路

歙港水路在縣南西泝至徽州一百六十里東沿
至本州一百六十里勝四百斛舟

城社

輿地志云郡城賀齊所築自是迄唐神功閱四百八

十九年爲郡治

郡廢於開皇九年至仁壽三年即新安故城置睦州其間不爲郡治者十

年^四東南濠上西面臨谷南枕新安江北連岡阜周回
二里二百二十五步今仍舊隄東距州一百六十六
里社壇在縣西五里

鄉里

舊經云舊管鄉二十四今管十五今據本縣見管鄉十四與九域志合

開化鄉管里七

存鳳里

中節里

慈善里

龍亭里

西郭里

保安里

五龍里

進賢鄉管里八

宣化里

進賢里

中祈里

富康里

歙口里

裏湖里

公山里

仁孝里

梓桐鄉管里八

仙壇里

召石里

慈口里

普慈里

雲源里

富皇里

養村里

龍源里

仁壽鄉管里十

雲濠里

義合里

飛龍里

新期里

風潭里

賴爵里

方村里

浦首里

凌祐里

察源里

隴山鄉里六

永暉里

臨津里

永寧里

合楊里

皎鑑里

成山里

蒙福鄉管里八

感化里

布正里

元殊里

大明里

順政里

軒渚里

馬頭里

小溪里

太平鄉管里七

安平里

雲燭里

豐家里

蕩雲里

現黃里

汪材里

石村里

清平鄉管里九

尋鳳里

舞卮里

臨池里

富鴻里

從務里

口積里

槐嶺里

嶺北里

重礪里

昌期鄉管里十一

青善里

遵孝里

招仁里

柵源里

鶴鳴里

富過里

三會里

西陽里

依源里

厭口里

富息里

常樂鄉管里八

高貴里

上賈里

綾爛里

揚岸里

下諸里

龍源里

山下里

布山里

安樂鄉管里六

安定里

塔嶺里

豐源里

大有里

富昌里

郎洞里

長樂鄉管里七

官田里

雲潭里

喻口里

上寒里

桐山里

青源里

龍村里

永平鄉管里十

洪下里

富財里

來人里

永平里

富至里

余葉里

始新里

湖頭里

德教里

過村里

青溪鄉管里七

千仞里

觀停里

清義里

孤勝里

安順里

宇化里

富量里

戶口

舊經載晉太康戶六百二十六而不載

國朝戶口數紹興己未戶一萬五千三百四十六丁
二萬五千二百九十二

今戶口

戶一萬八千七百二十六

丁四萬五千七百九十七

學校

至聖文宣王廟在縣西八十步崇寧中

詔州縣建學即廟爲之歲久積圯紹興九年縣丞兼
權縣事汪仔葺而新之縣人前太僕少卿方聞爲之
記

廨舍

縣衙在縣城正北

係京朝官
知縣事

丞解舍在縣衙西

主簿廨舍在縣衙西

尉司在縣衙西南

監稅務官廨舍在縣衙西南

監酒務官廨舍在縣衙東南

港口巡檢司在縣東南三十里

國朝寶元二年朔立管土軍一百人

威平洞巡檢司在縣西距縣四十里

舊名幫源洞屬萬年鄉宜

和二年方臘據洞作亂三年討平之詔改洞曰威平鄉曰永平置巡檢司管土

軍三百人紹興八年省爲一百五十人

館驛

新安驛在縣城西

舊名青溪驛

倉務

縣倉在縣衙內東偏

酒務在縣衙東

稅務在縣衙西南

土貢

絹四匹

布三匹

稅賦

茶租免役和預買附

夏稅

絹舊額一萬三千二百三十六匹七尺九寸

今收四千九百八十三匹有畸

紬舊額三千六百五十五匹二丈五尺一寸

今收二千五百六十二匹有畸

綿舊額一千一百六十四屯二兩八錢

今收二千三百五十五兩

秋稅

苗米舊額四千七百九十三石五斗八勝四勺

今收五千九百九十九石七斗有畸

茶租錢舊額三千五百七十七貫文

今額六千貫文

免役錢舊額一萬二千七百八十一貫三百四十五文

今額一萬五千二百四十八貫六百七十二文

和預買

絹舊額一萬四千二百五十五匹

今收一萬三千七百五十五匹

紬舊額五千四百匹

今收三千八百七十四匹

絲舊額四千兩

今收五千五百兩

生紬線舊額八百兩

今收一千兩

課利

茶

遞年批發八十一萬二千四百斤計引錢一十三

萬七千一百八貫文紹興己未批發九十
四萬四千一百斤計引錢一十六萬四百
九十六貫文

今批發九十三萬四千一百斤計引錢二十萬
五千五百二貫文

遞年住賣五百斤計引錢八十五貫文
今賣一千斤計引錢二百二十貫文

鹽

遞年五十一萬八千四百斤計引錢二萬二千三
百八十六貫文紹興己未賣五十三萬五

千二百斤計引錢二萬三千一百七十九

貫文

今賣一百二十八萬三千四百斤計引錢八萬
九千八百三十八貫文

香無額

礬

遞年二百斤計引錢三十貫文紹興己未賣四百
斤計引錢六十貫文

今賣四百一十四斤計引錢四十一貫四百文

酒稅

縣郭酒務舊係人戶買撲元額一界淨利錢六千四百一十貫文每月課利錢七十三貫三百二十五文紹興六年知州胡寅請于

朝設置官酒務認還名課錢外以所得息錢充本州經費計紹興七年所收除還外爲錢二萬九千三百五十八貫三百三十三文

今額收一界淨利錢九千六十貫文增添五分錢四千五百三十貫文

每月課利錢七十三貫三百二十五文

村坊舊管一十二處三處買撲九處分認元額一
界淨利錢一萬七百五十三貫九百七十
四文紹興己未每月課利錢一百三十五
貫五百七十一文

今四處買撲八處分認收一界淨利錢一萬
二十二貫八十一文增添五分錢四千五百
六十一貫四十四文

每月課利錢九十八貫七百三十九文

稅務租額五千二百五十八貫文紹興己未收五
千四百一十九貫文

今收七千八十九貫九百六十五文

牙契稅錢租額一千三百五十三貫文紹興己未

收二千四百九十七貫文

今收四千二百九十二貫三百四十二文

寺觀

天樂觀在昌期鄉漢乾祐元年建名常樂觀耆舊

相傳昔有道士徐姓年八十一夢大羅天

賜詩云片善文章莫自輕大羅天上望歸

程銀河別有乘槎路月苑寧無折桂名鸞

鶴相迎歸碧洞煙霞接引到神京使卿使

作遊仙客布德行恩救萬靈明日白衆尸
解而去

國朝重和元年 詔天下宮觀及三十間
以上者賜額州具以聞遂賜今名

靈巖宮在縣東北四里今廢

洞靈宮在蒙福鄉係遂安縣廢額紹興八年道士
高大有請于州即靈巖山建

靈耀宮在進賢鄉舊爲女冠所居今廢

神景寺在縣西五里唐太中元年建係尼寺久廢
後移杜壇于其地

保安寺在縣衙西晉天福八年建

轉教寺在縣西二里齊昇平三年建

國朝天聖中一詔重修經方臘之亂不存
後稍葺之

彌陀院在縣前溪南二里唐廣明二年建

無礙院在縣西二里洽平三年建

廣明院在縣西二里唐廣明元年建

靈瑞院在縣東四里舊係靈巖道宮相傳漢乾祐
二年改爲僧院易今名

聖德寺在縣東北紹興五年僧曇素請于州得桐

廬縣廢額建

求初院在龍山鄉唐太中年建名興福新會院

國朝康定中賜今名

法照院在蒙福鄉唐咸通八年建名大明院

國朝大中祥符九年中書劄子睦州十四處寺院未有

敕額賜今名

石佛院在仁壽鄉乾德元年建相傳有地名富常

潭石佛現長六尺五寸迎置于院因以名

普安院在仁壽鄉建

冰絮院在仁壽鄉建隆二年建

富興院在太平鄉乾德元年建

霞源院在太平鄉晉天福八年建

回向院在太平鄉慶曆中建

某楮院在清平鄉唐咸通八年建

富洪院在清平鄉唐大中六年建

臨池院在清平鄉周廣順四年建

富巖寺在進賢鄉晉天福四年建

靈耀院在進賢鄉舊係女冠靈耀宮後唐長興四

年改爲僧院仍其名

柵源院在昌期鄉不知所建年代院有至道三年

知縣事孫儻撰重建殿宇記有云越王勾

錢襲吳兵行之際於此源口立砦柵千載

而下始有是寺因地而稱又曰寺有聖者

像鄉民歲時旱暵不侍暴庭禱必獲應又

曰院壁得咸通十三年沙門師魯書武宗

詔毀天下佛寺聖者之像歸然曾不焦壞

洎像教復興邑人王璿得之於山塢泥潦

之中相好儼然蓋彰是教之不可泯其大

要如此

三會寺在昌期鄉梁大同三年建

鶴鳴院在昌期鄉唐武德元年建

靈巖院在常樂鄉唐咸通八年建

龍泉院在昌期鄉唐咸通七年建院有泉一泓許

能出雲南以蘇旱乾疑有龍在焉因以名

國朝政和六年縣人袁錢一新贈諫議大

夫江公望爲之記具載龍泉之異其略曰

一斛之水甚微龍託之而神濡爲膏澤以

福於人而佛祠託之以興餘不盡載

靜樂院在常樂鄉唐正

本字犯
仁宗嫌名

觀元年建

國朝熙寧四年重建見進士徐龜蒙所作記

豐源院在安樂鄉梁正

本字犯仁宗嫌名

明二年建

沙磧院在安樂鄉唐會昌六年建

按武宗方毀天下佛寺不應當

時所建或地僻鄉民私立不然年代傳誤也

新定院在安樂鄉建隆二年建

主教院在長樂鄉後唐清泰二年建

清泉院在長樂鄉後唐長興三年建

龍華寺在青溪鄉舊名永泰不知所建年代寺有

寶大二年都昂將方鄴等乞重修狀後判

依執押字及有寶大三年睦州請僧注持

帖後繫司空判軍州事郭押皆見存

按寶大寶

正皆錢氏年
號別見事志

國朝改和三年以犯

哲宗陵名改今名

惠明院在仁壽鄉雲濛山舊名雲濛菴紹興元年

僧楚月詣

行在所陳請得臨安府廢額歸以名其院

院有保寧菴慶壽堂見宣和六年縣人方

聞所題石刻

神景尼寺在縣東唐大中元年建

龍巖尼寺今廢

靜居尼寺今廢

祠廟

城隍廟在縣內東偏

真應廟在縣內其神方儲相傳後漢時以賢良方正仕和帝後爲洛陽令卒贈黟縣侯立廟名洛陽唐垂拱四年爲狄梁公焚毀後邑人復立之

國朝政和七年縣人方適方奕與父老狀其靈異列于轉運使轉運使爲請于

朝賜今額其後裔方閭方聞今皆歷顯官
而部行事廟任縣西相傳爲方儲之兄名儕後漢
時封關內侯補南部行事在任有恩及民
因爲立廟

都督廟在縣前渡南瀕江相傳爲方儲弟儼後漢
時爲大都督旣死爲立廟其後見夢於人
人爲更廟於南山因名都督山

五龍廟在縣東五里相傳其神爲方儲之子名觀
之

宋齊丘相公祠在昌期鄉相傳齊丘嘗避地居此

終焉按齊丘晚為李璟放于青陽縊而死
不知此何據且為何神也今一鄉多宋姓
自言皆其後裔祠有靈異鄉民歲時禱祀
焉

烏龍廟二

一在清平鄉尋鳳里按章岷所作烏龍山
廟記載邵仁詳之先因石勒之亂渡江有
名數者嘗為東陽太守敷之孫曰坦仕為
新安令宋元嘉二年卒葬青溪邑之現王
山時有相其墓者曰後當有王侯之封未

齊間使望氣者占之因斷其地脉復有相

者云猶當出陰中王唐正

本字犯仁宗嫌名

觀中

仁詳以處士為建德令周光敏所害後為
烏龍山之神卜宅之吉至是果驗本廟在
烏龍山下而此廟之神疑為坦也廟有碑
刻元祐三年鄉民邵宗旺等捨山林以奉
遠祖仁安靈應王蓋指為仁詳別廟也

一在太平鄉廟亦有碑大中祥符五年所
刻載仁詳清平鄉人既被害歸其柩尋鳳
里葬焉前廟乃即其地此廟為邵招者所

建亦仁詳之後裔其文詞淺俚不足錄今
兩鄉歲時各於其廟奉祀焉

何侍郎廟在安樂鄉廟有碑載神爲何姓而不著
名謂其先從晉過江卜居新安仕陳文宣
帝位吏部侍郎以讒見戮太建二年立廟
按陳文帝之後爲宣帝宣帝即位改元太
建今日仕文宣帝而以立廟于太建其說
乖戾餘載年代尤差互皆不足考證後列
何姓者數人當是共立廟以祀其先借爲
此官稱爾然傳世旣久亦不必毀云

項仙姑廟在蒙福鄉耆舊相傳項氏姊妹自其家
歸寧臨流欲渡無船因以帔爲梁而過後
人名其地爲渡瀆

山

雉山在縣西南一里周回七里四十步舊經載新
安記云郡西南渡水一里餘有山如鳳立
雉蹲因以爲名隋嘗取以名縣

都督山在縣南即方儼嘗所居也山因以得名

靈巖山在縣東北六里周曰十二里舊經載地理
志云吳永安五年黃龍見於此因名龍山

唐元和元年觀察使牒改今名

邁山在縣西北六里舊經載新安記云其山重疊邁於諸山故以名今觀山形盤礴連延四面諸山皆若相向

南來山在縣西北一百三十里山勢自北來南故以名

東泉山在縣東北一百五十里舊名覆船取山形之似其南出泉三派並東注唐元和中觀察使牒改今名

重阮山在縣東八十里山有二阮故以名

蔗山在縣東四十二里中間平地二頃故老相傳
云昔人於此種甘蔗因以名山

雲濛山在縣南十八里高五百丈周圍七十里出
衆山之上天欲雨先見雲霧湧然濛其上

故以名

山下有廟相傳為漢時建而無年
代可考又謂舊封護國府君後封

鎮國王謂是國朝
仁宗時亦無可據

水

溪灘津渡附

新安江在縣南出徽州自歙縣深渡入縣界至白
馬砂入建德縣界湍險迅急春夏漲溢中
流不可行舟秋冬澄澈見底故沈約詩云

眷言訪舟客茲川信可珍洞澈隨深淺故
鑑無冬春李白亦云青溪清我心水色異
諸水借問新安江見底何如此

東溪在縣東一里

灘

深渡灘

息灘

慈灘

龜石灘

黃石灘

顧珉灘

賴雀灘

麻車灘

浪渴灘

盧堪灘

額賴灘

羅頂灘

義里灘

小溪灘

津渡

縣前渡在縣南

召石渡在縣西九里

息灘下渡在縣西三十里

軒渚小溪渡在縣東五十一里

古跡

錦砂村在縣西八里舊經據新安記云林木森聳
波流澄澈映石如錦故以名寰宇記云傍
山依壑素波澄映錦石舒文冠軍吳喜聞
而造焉鼓柁游泛彌旬志返歎曰名山幽

谷故不虛賞使人喪朱門之志

軒渚溪在縣東五十一里新安記云洛陽令方儲乘鶴軒至此登船遂以名溪後人復立廟以祀仙翁名軒駐言鶴軒嘗駐此也

時里石門在縣西四十里輿地志云石門關者神門也常爲霧塞無人得見孫和太子避難至此逢大雨平地盡沒即以白牛白馬祠祭天地神祇三日雨歇見有石門今驗見存廢昌亭在縣東十里輿地志云梁天監二年郡守任昉於此亭送許由

右建德府府境圖東西三百九十里南北三百三十里東至臨安府三百一十里西至徽州三百七十里南至婺州一百五十里北至臨安府二百七十里東南到婺州一百八十里西南到衢州二百一十里東北到臨安府三百一十里西北到徽州三百一十里其水路東沿浙江至東梓浦入臨安界一百三十三里南沂東陽江至三河端入婺州界五十里西北沂新安江至街口渡入徽州界二百五十里

圖經卷第三

終

夏州母氏三卷

書寫宗本

前朝太宗皇帝使太子皇帝初授正度使則宣和四年建炎二年後書不建所元年太宗為陝州刺史封太子
 存國國下官如平一見字如後遂必不其深苦生印官度進封康王也後列紹興已未春知軍中事其子承平乃為
 志序七次列紹興六年五月也功即州至放授初久官官亦不承修志序也次列也以後建炎四年內外均為兩府位
 以母建佐外境國語亦外使與相繼所攻册以出於紹興四年子不使府分外和漢紹興五年承平書
 子日今能從洲皇符德高為三老年一初的後初人收錄時以漢為世字年華免國再王統蹟而承平遊不
 之物之而者於於南有血不獨余其德存不獨不咸而影寫之與影寫非為亦可和合補王為

嚴州重修圖經紹興己未知軍州事董弁序此舊序也經興丙午
迪功郎州學教授劉文富序此重修序也冠呂太宗初領防禦使
詔太上皇帝御高初授節度使制乃建隆元年太宗為睦州刺史
封天水縣開國子宣和三年高宗授遂安慶源等軍節度使進封
康王也次子城番建德府內外城番府境控番建德淳安桐廬遂
安壽昌分水各縣境圖以嚴州及六縣分卷各列子目其體例與
寶慶四明志同今惟嚴州建德淳安三卷存淳安為新安郡治隋
置睦州故淳安一卷獨詳唐刺史李道古撰大廳記具錄唐代顯
慶以來刺史名宗雍熙二年知桐廬縣刁術續至太平興國三年
足賞攷證勞季言云唐書儒學傳張浚允遷燕王府司馬出為睦
州刺史此脫燕字宰相世系表柳範子齊物睦州刺史元和姓纂
同此脫物字又張愿天寶三載韋南金天寶五載俱自台州刺史
拜赤城志刺史失其名董弁有嚴陵集九卷取嚴州題詠序記別

為一書輔焉經而行錢辛楣養新錄云陳直齋馬端臨俱稱新定志不云嚴州圖經然董弁創為嚴州圖經劉文富奉知州陳公亮之命重修仍其名實即一書余謂景定中柳守錢可則教授鄭瑄學錄方仁恭撰新定續志新定乃郡名非新舊之義陳直齋因續志名新定亦以劉文富書為新定志嚴陵集與景定續志余俱有其書此書三卷係宋刻可與乾道臨安志共傳余更有宋談鑰嘉泰吳興志凌萬頃玉峰志俱罕觀之笈上元朱緒曾述之識于開有益齋

四庫總目景定嚴州續志十卷錢辛楣撰景定六年法敏等撰續志新定景定九年法敏等撰續志新定景定十年法敏等撰續志新定景定十一年法敏等撰續志新定景定十二年法敏等撰續志新定景定十三年法敏等撰續志新定景定十四年法敏等撰續志新定景定十五年法敏等撰續志新定景定十六年法敏等撰續志新定景定十七年法敏等撰續志新定景定十八年法敏等撰續志新定景定十九年法敏等撰續志新定景定二十年法敏等撰續志新定景定二十一年法敏等撰續志新定景定二十二年法敏等撰續志新定景定二十三年法敏等撰續志新定景定二十四年法敏等撰續志新定景定二十五年法敏等撰續志新定景定二十六年法敏等撰續志新定景定二十七年法敏等撰續志新定景定二十八年法敏等撰續志新定景定二十九年法敏等撰續志新定景定三十年法敏等撰續志新定景定三十一年法敏等撰續志新定景定三十二年法敏等撰續志新定景定三十三年法敏等撰續志新定景定三十四年法敏等撰續志新定景定三十五年法敏等撰續志新定景定三十六年法敏等撰續志新定景定三十七年法敏等撰續志新定景定三十八年法敏等撰續志新定景定三十九年法敏等撰續志新定景定四十年法敏等撰續志新定景定四十一年法敏等撰續志新定景定四十二年法敏等撰續志新定景定四十三年法敏等撰續志新定景定四十四年法敏等撰續志新定景定四十五年法敏等撰續志新定景定四十六年法敏等撰續志新定景定四十七年法敏等撰續志新定景定四十八年法敏等撰續志新定景定四十九年法敏等撰續志新定景定五十年法敏等撰續志新定景定五十一年法敏等撰續志新定景定五十二年法敏等撰續志新定景定五十三年法敏等撰續志新定景定五十四年法敏等撰續志新定景定五十五年法敏等撰續志新定景定五十六年法敏等撰續志新定景定五十七年法敏等撰續志新定景定五十八年法敏等撰續志新定景定五十九年法敏等撰續志新定景定六十年法敏等撰續志新定景定六十一年法敏等撰續志新定景定六十二年法敏等撰續志新定景定六十三年法敏等撰續志新定景定六十四年法敏等撰續志新定景定六十五年法敏等撰續志新定景定六十六年法敏等撰續志新定景定六十七年法敏等撰續志新定景定六十八年法敏等撰續志新定景定六十九年法敏等撰續志新定景定七十年法敏等撰續志新定景定七十一年法敏等撰續志新定景定七十二年法敏等撰續志新定景定七十三年法敏等撰續志新定景定七十四年法敏等撰續志新定景定七十五年法敏等撰續志新定景定七十六年法敏等撰續志新定景定七十七年法敏等撰續志新定景定七十八年法敏等撰續志新定景定七十九年法敏等撰續志新定景定八十年法敏等撰續志新定景定八十一年法敏等撰續志新定景定八十二年法敏等撰續志新定景定八十三年法敏等撰續志新定景定八十四年法敏等撰續志新定景定八十五年法敏等撰續志新定景定八十六年法敏等撰續志新定景定八十七年法敏等撰續志新定景定八十八年法敏等撰續志新定景定八十九年法敏等撰續志新定景定九十年法敏等撰續志新定景定九十一年法敏等撰續志新定景定九十二年法敏等撰續志新定景定九十三年法敏等撰續志新定景定九十四年法敏等撰續志新定景定九十五年法敏等撰續志新定景定九十六年法敏等撰續志新定景定九十七年法敏等撰續志新定景定九十八年法敏等撰續志新定景定九十九年法敏等撰續志新定景定一百年法敏等撰續志新定